



CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA DA XUNTA DE GALICIA, E A FUNDACIÓN INSTITUTO FEIRAL DE VIGO, PARA REGULAR O RÉXIME DO USO DO PAVILLÓN 4 NO RECINTO FEIRAL INSTITUTO FEIRAL DA CIDADE DE VIGO

En Santiago de Compostela, a vinte e cinco de setembro de dous mil dezoito, na sede da Consellería de Economía, Emprego e Industria.

REUNIDOS

Dunha parte _____, conselleiro de Economía, Emprego e Industria de la Xunta de Galicia, nomeado para o devandito cargo por Decreto 148/2016, de 13 de novembro, actuando en exercicio das competencias que ten atribuídas polo artigo 34 da Lei 1/1983, de 22 de febreiro, de normas reguladoras da Xunta de Galicia e da súa Presidencia.

E doutra parte, D. _____, con NIF _____, actuando no nome e representación da Fundación Instituto Feiral de Vigo, na súa calidade de director – xerente.

Intervéñen en función dos seus cargos respectivos e no exercicio das facultades que, para convir en nome das entidades que representan, teñen e

EXPOÑEN

PRIMEIRO.- A Consellería de Economía, Emprego e Industria, en adiante, a consellería, segundo o Decreto 135/2017, do 28 de decembro, polo que se establece a estrutura orgánica da Consellería de Economía, Emprego e Industria (DOG nº 18, de 25 de xaneiro de 2018)., é o órgano da Xunta de Galicia ao que lle corresponde o exercicio, entre outras, de competencias en materia de comercio interior e dentro destas cabe sinalar, especificamente: a promoción, fomento, modernización e desenvolvemento do comercio e a programación e xestión de axudas destinadas a estes fins, o impulso do asociacionismo comercial e da asistencia técnica comercial en colaboración con outras institucións e entidades. Concretamente, o programa 751A, que xestiona a Dirección Xeral de Comercio e Consumo, contempla a renovación do sector comercio e máis a promoción de sectores e produtos galegos, neste caso apoiando as actuacións desenvolvidas polas fundacións feirais para acadar o nivel de competitividade desexábel cara os mercados nacionais e internacionais e que incidan no seu maior desenvolvemento.

SEGUNDO.- A fundación “Fundación Instituto Feiral de Vigo”, no sucesivo, a fundación, ten como obxecto a consecución de fins xerais de interese galego no ámbito sectorial ao que a súa denominación e fins se contraen, sendo unha das súas finalidades primordiais a realización de actividades de promoción, e a tal fin vén desenvolvendo no recinto feiral que xestiona, actuacións que se concretan fundamentalmente en feiras, certames e exposicións.

Estas instalacións resultaban insuficientes dende hai varios anos para dar resposta a elevada demanda producida en determinados eventos de especial importancia tanto para a comarca de Vigo como para a Comunidade Autónoma de Galicia por servir de plataforma de negocio internacional de sectores estratéxicos galegos como a pesca, o conxelado, o conserveiro ou o naval.

Para dar resposta a esta demanda e principalmente evitar a deslocalización de determinados eventos de carácter internacional con grandes repercusións positivas para a economía galega, IFEVI proxectou a ampliación das súas instalacións en 5.000 m2.

Mediante acordo adoptado no Padroado de IFEVI, de data 11 de outubro de 2016, solicítase a aplicación do procedemento previsto na Lei 3/2016, de 1 de marzo, para o proxecto de ampliación do recinto feiral de IFEVI por entender que concorren neste suposto as xustificacións esixidas pola Lei de urxencia e de interese público, de acordo coa memoria xustificativa do proxecto público de urxencia e excepcional interese para a ampliación das instalacións do IFEVI, tendo en conta que as previsións actuais do



planeamento urbanístico en vigor non permitían a ampliación do recinto feiral.

CUARTO.- Dado que para acometer as obras de ampliación do recinto feiral do IFEVI, a Consellería de Economía, Emprego e Industria, carecía dos medios persoais e técnicos para desenvolver axeitadamente este investimento e a Lei 14/2013, do 26 de decembro, de racionalización do sector público autonómico, introduce non seu artigo 8, como novidade, o concepto de autoprovisión de bens e servizos dentro do propio sector público de tal xeito que *"cando os medios dos que dispoñan resulten insuficientes para o cumprimento e a realización dos seus fins institucionais, acudirán con preferencia á cooperación, colaboración e asistencia doutros órganos da administración xeral da Comunidade Autónoma ou doutras entidades do sector público autonómico que dispoñan dos medios dos que precisan"* e tendo en conta que a Axencia Galega de Infraestruturas concíbese como unha estrutura organizativa capaz de responder aos mandatos ou encargos, que en relación coas súas competencias ou atribucións, lle encomenden ás Consellerías e entes públicos da Comunidade Autónoma de Galicia coa máxima celeridade, calidade e co mínimo custo posible, asinouse un acordo de colaboración entre a Consellería e AXI para a ampliación do IFEVI o 30 de xuño de 2017.

QUINTO.- En concreto, o acordo de colaboración tivo por obxecto realizar a supervisión do proxecto básico e de execución das obras de ampliación das instalacións do recinto feiral do Instituto Feiral de Vigo, a licitación, adxudicación e execución do contrato das obras de ampliación das instalacións do recinto, así como dos contratos de servizos accesorios para a dirección, control e vixilancia das obras referidas.

SEXTA.- Unha vez rematadas e recepcionadas as obras de ampliación, e segundo se establece na cláusula 9ª do convenio, a acta de recepción terá o efecto de entrega ao órgano encomendante e a partires da sinatura desta a Consellería de Economía, Emprego e Industria asumirá as operacións de explotación, conservación e mantemento da nova construción, o novo pavillón 4.

Unha vez entregadas as obras, faise preciso proceder a subscribir un convenio entre a Consellería e a Fundación Instituto Feiral de Vigo que regule o réxime de uso das novas instalacións que garanta a optimización das mesmas así como a conservación e mantemento do ben que constitúe o pavillón 4. Dado o interese coincidente da Consellería e a Fundación, acordan a formalización dun convenio de colaboración de acordo cas seguintes:

CLÁUSULAS

PRIMEIRA.- Este convenio ten por obxecto establecer as bases de colaboración entre a Consellería de Economía, Emprego e Industria e a Fundación Instituto Feiral de Vigo, para regular a xestión do uso e conservación das instalacións que foron obxecto de ampliación, garantindo que se manteñan en perfecto estado para o desenvolvemento das actividades feirais, certames e exposicións.

SEGUNDA.- De acordo coa cláusula segunda do acordo de colaboración asinado entre a Consellería e AXI o 30 de xuño de 2017, co acto de recepción farase entrega dos traballos e por tanto, será a Consellería a responsable da xestión, mantemento e conservación destes, así como dos gastos que o seu funcionamento xere.

TERCEIRA.- Atendendo á posibilidade de que a administración poña a xestión da nova infraestrutura a disposición da fundación e considerando os beneficios da colaboración coa Fundación Instituto Feiral de Vigo, acórdase que a xestión e a realización das actividades de mantemento, limpeza, uso e conservación das instalacións obxecto de ampliación, garantindo que se manteñan en perfecto estado para o desenvolvemento das actividades feirais, de certames e expositivas, se leve a cabo pola Fundación IFEVI, mediante a cesión do uso do novo pavillón.



CUARTA.- A fundación queda obrigada a empregar o espazo de acordo coas limitacións recollidas no proxecto técnico, respectando o dereito de uso que se reserva a Administración Xeral da Xunta de Galicia para a organización de eventos con carácter excepcional.

A fundación garantirá a calidade e operatividade do uso, así como a vixilancia do recinto tanto no interior como no exterior.

A fundación contará cun seguro de responsabilidade civil e do edificio que cubra os danos ou sinistros que ocorran.

Ifevi disporá dos medios humanos, materiais e técnicos, así como a loxística necesaria para o uso e conservación das instalacións obxecto deste convenio. En consecuencia, o persoal que realice as actividades anteditas non terá relación de carácter laboral ou administrativo coa Consellería.

QUINTA.- O presente convenio non supón achegas económicas por parte da consellería e os gastos nos que incorra a Fundación polo uso do pavillón correrán ao seu cargo.

SEXTA.- Coa finalidade de asegurar o correcto cumprimento deste convenio, crearase unha comisión de seguimento de composición paritaria, que coordinará o seu desenvolvemento. O seu funcionamento rexeráse polo réxime xurídico dos órganos colexiados contido na sección III, capítulo I, título I da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

SÉTIMA.- Este convenio entrará en vigor na data da súa aprobación polo Patronato da Fundación, e terá unha vixencia de 4 anos, podendo prorrogarse de forma expresa por acordo das partes, mediante sinatura da addenda correspondente, por anos naturais.

No obstante, para o suposto de que no se houbese aprobado polo Patronato na data de inicio das actividades de montaxe de Feria Internacional CONXEMAR, ambas partes acordan que este convenio será aplicable dende o día seguinte a súa sinatura a os efectos de que poidan desenvolverse as actividades de celebración, montaxe e desmontaxe de dita Feira.

OITAVA.- Este convenio resolverase por incumprimento total ou parcial dalgunha das cláusulas que o regulan e en particular, de acordo co artigo 51 da Lei 40/2015, do 1 de outubro, de Réxime Xurídico do Sector Público, son causas de resolución do presente convenio:

- 1.- O transcurso do prazo de vixencia do convenio sen que se teña acordado a prórroga do mesmo.
- 2.-O acordo unánime de todos os asinantes.
- 3.- O incumprimento das obrigas e compromisos asumidos por parte de algún dos asinantes. Neste caso, estarase ao disposto no artigo 51 c) da Lei 40/2015, do 1 de outubro, de Réxime Xurídico do Sector Público.
- 4.- Por decisión xudicial declaratoria da nulidade do convenio.
- 5.- Por calquera outra causa distinta das anteriores prevista no convenio ou noutras leis.

NOVENA.- As causas polas que se pode modificar o presente convenio son:

- 1.-Por acordo unánime dos asinantes.
- 2.-De acordo co artigo 31.4 da Lei 14/2013, do 26 de decembro, de racionalización do sector público autonómico, cando teña como finalidade o logro dos obxectivos de estabilidade e sustentabilidade financeira.

E, en proba de conformidade, subscríbese este convenio no lugar e data enriba sinalados, por duplicado exemplar e para un único efecto.

POLA XUNTA DE GALICIA O conselleiro de Economía, Emprego e Industria	POLA FUNDACIÓN O director - xerente
D.	D.